



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-15-26230/21
Sarajevo, 28.06.2021. godine

Na osnovu člana 70. Zakona o organizaciji organa uprave u Federaciji BiH ("Službene novine Federacije BiH", broj 35/05), Zakona o poticaju razvoja male privrede ("Službene novine Kantona Sarajevo", broj: 29/15), člana 2. stav (5) Pravilnika o postupcima u provođenju Programa razvoja male privrede ("Službene novine Kantona Sarajevo", broj: 20/21), tačke III Odluke o usvajanju programa utroška sredstava tekućih i kapitalnih transfera Ministarstva privrede Kantona Sarajevo utvrđenih Budžetom Kantona Sarajevo za 2021. godinu ("Službene novine Kantona Sarajevo", broj: 8/21), a u skladu sa Odlukom o usvajanju Godišnjeg plana provođenja Programa razvoja male privrede za 2021. godinu ("Službene novine Kantona Sarajevo", broj: 24/21),
Ministarstvo privrede Kantona Sarajevo d o n o s i

ODLUKU

I

Usvaja se Program utroška sredstava "Poticaj razvoju male privrede" za 2021. godinu, koji je sastavni dio ove Odluke.

II

Ova odluka stupa na snagu danom donošenja, a objavit će se na web stranici Ministarstva privrede.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



PROGRAM

utroška sredstava "Poticaj razvoju male privrede" za 2021. godinu

Na osnovu člana 10. stav (4) Zakona o poticaju razvoja male privrede ("Službene novine Kantona Sarajevo", broj: 29/15) (u daljnjem tekstu: Zakon), člana 2. stav (2) Pravilnika o postupcima u provođenju Programa razvoja male privrede („Službene novine Kantona Sarajevo“, broj: 20/21) (u daljnjem tekstu: Pravilnik), čl. 29. i 36. Zakona o izvršenju Budžeta Kantona Sarajevo za 2021. godinu („Službene novine Kantona Sarajevo“, br. 5/21), tačkom II podtačka 1.2. redni br. 6. i 8. Odluke o usvajanju programa utroška sredstava tekućih i kapitalnih transfera Ministarstva privrede Kantona Sarajevo utvrđenih Budžetom Kantona Sarajevo za 2021. godinu („Službene novine Kantona Sarajevo“, broj: 8/21), Vlada Kantona Sarajevo donijela je Odluku o usvajanju Godišnjeg plana provođenja programa razvoja male privrede za 2021. godinu ("Službene novine Kantona Sarajevo", broj: 24/21) (u daljnjem tekstu: Godišnji plan). Godišnjim planom za 2021. godinu planirane su i propisane mjere koje će u potrebnim i mogućim segmentima Ministarstvo privrede provesti u cilju stabilizacije poduzetničkog okruženja, broja privrednih subjekata i očuvanja radnih mjesta, a kako bi se stvorili uvjeti za ekonomski rast i razvoj obrta, malog i srednjeg poduzetništva i rast zaposlenosti.

Na osnovu člana 2. stav (5) Pravilnika o postupcima u provođenju Programa razvoja male privrede ("Službene novine Kantona Sarajevo", broj: 20/21) i Godišnjeg plana, a u cilju realizacije Godišnjeg plana, Ministarstvo privrede Kantona Sarajevo donosi Odluku o usvajanju Programa utroška sredstava "Poticaj razvoju male privrede" (u daljnjem tekstu: Odluka). Ovom odlukom se u skladu sa članom 2. stav (6) Pravilnika definišu nazivi i vrste programa, te se za svaki pojedini program utvrđuju sljedeći odnosni elementi: ciljevi programa, kriteriji za izbor, korisnici programa, iznos i namjena planiranih poticajnih sredstava, iznos sredstava za subvencioniranje kamata za plasman kreditnih sredstava i iznos i namjena planiranih poticajnih kreditnih sredstava.

Programom utroška sredstava definiše se ukupno 11 programa koje će ovo Ministarstvo provesti u 2021. godini, i to: Kreditiranje subjekata male privrede pod povoljnijim uslovima; Subvencioniranje/refundiranje kamata po preuzetom kreditu kod komercijalnih banaka; Poticaj za tehnološku modernizaciju, primjenu standarda kvalitete i digitalizaciju poslovanja; Poticaj za nova ulaganja u tehnološku modernizaciju i primjenu standarda kvalitete u cilju unaprjeđenja konkurentosti i/ili novog zapošljavanja; Poticaj projektima promocije obrtništva; Poticaj za obuku mladih za obrtnička-zanatska zanimanja i zapošljavanje; Poticaj za unaprjeđenje IT preduzetništva; Poticaj za unaprjeđenje preduzetništva u domenu pružanja administrativnih usluga dominantno izvozne orijentacije; Poticaj novoosnovanim – start up subjektima male privrede; Poticaj razvoja ženskog preduzetništva; i Poticaji za razvoj poduzetništva mladih.

Sredstva Budžeta Kantona Sarajevo u skladu sa ovom Odlukom ne mogu se koristiti kao poticajna sredstva za sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i drugih igara na sreću. Poticajna sredstva se neće dodijeliti subjektima male privrede nad kojima je otvoren stečajni ili likvidacioni postupak, te onim subjektima koji su obustavili poslovnu djelatnost, kao i subjektima koji po osnovu uvjerenja nadležne porezne uprave i/ili nadležne uprave za indirektno oporezivanje imaju dospjelu a neizmirenu obavezu stariju od 60 dana od dana objave odnosnog javnog poziva na koji subjekt podnosi odnosnu prijavu, osim ako je uz prijavu dostavio potpisan ugovor sa Poreznom upravom Federacije BiH i Upravom za indirektno oporezivanje BiH o otplati duga na rate. Pravo na dodjelu poticajnih sredstava u skladu sa pojedinim programima iz Godišnjeg plana ostvaruju subjekti male privrede usklađeni sa Zakonom koji su za 2020. godinu iskazali gubitak do 30.000,00 KM ili su iskazali dobit do 100.000,00 KM, te subjekti podnosioci prijave koji prema obavještenju

Službe za statistiku o razvrstavanju prema klasifikaciji djelatnosti obavljaju registrovanu djelatnost unutar dozvoljenih sljedećih područja prema Klasifikaciji djelatnosti KD BiH 2010 ("Službeni glasnik BiH", broj 47/10), a kako slijedi:

- U području **C** Prerađivačka industrija **prema obavještenju Statistike dozvoljene šifre djelatnosti su: (10.11-10.92), (13.10-18.20), (20.11-25.30) i (25.50-33.20);**
- U području **E** Opskrba vodom, uklanjanje otpadnih voda, gospodarenje otpadom te djelatnosti sanacije okoliša **prema obavještenju Statistike dozvoljene šifre djelatnosti su 38.11-38.32;**
- U području **F** Građevinarstvo **prema obavještenju Statistike dozvoljene šifre djelatnosti su 41.10-43.99;**
- U području **G** Trgovina (popravak motornih vozila i motocikala) **prema obavještenju Statistike dozvoljena šifra djelatnosti je 45.20, te subjekti koji prema obavještenju Statistike obavljaju djelatnosti u ovom području, a čije su šifre djelatnosti: 46.31, 46.32, 46.33, 46.34, 46.46, 46.47, 46.51, 46.52, 46.65, 46.73 i 46.74 uz uslov da su ovi subjekti u 2020. godini ostvarili više od 50% prihoda na stranim tržištima;** U području **I** Djelatnosti pružanja smještaja, pripreme i usluživanja hrane **prema obavještenju Statistike dozvoljene šifre djelatnosti su: (55.10-56.30);**
- U području **J** Informacije i komunikacije **prema obavještenju Statistike dozvoljene šifre djelatnosti su: 58.21, 58.22, 62.01, 62.02, 62.03, 62.09 i 63.11;**
- U području **M** Stručne, naučne i tehničke djelatnosti **prema obavještenju Statistike dozvoljene šifre djelatnosti su: (69.10-69.20) i 75.00; te subjekti koji prema obavještenju Statistike obavljaju djelatnost u ovom području, a čije su šifre djelatnosti: (73.11, 73.20 i 74.10) uz uslov da su ovi subjekti u 2020. godini ostvarili više od 50% prihoda na stranim tržištima;**
- U području **N** Administrativne i pomoćne uslužne djelatnosti **prema obavještenju Statistike dozvoljene šifre djelatnosti su: (79.11-79.90); te subjekti koji prema obavještenju Statistike obavljaju djelatnost u ovom području, a čija je šifra djelatnosti: 82.20 uz uslov da su ovi subjekti u 2020. godini ostvarili više od 50% prihoda na stranim tržištima;**
- U području **Q** Djelatnosti zdravstvene zaštite i socijalne skrbi **prema obavještenju Statistike dozvoljene šifre djelatnosti su: (86.10-88.99); i**
- U području **S** Ostale uslužne djelatnosti **prema obavještenju Statistike dozvoljene šifre djelatnosti su: (95.11-96.03).**

Podnosilac prijave obavezan je da prilikom dostavljanja prijave na javni poziv dostavi izjavu ovlaštenog lica za zastupanje podnosioca prijave - subjekta male privrede, ovjerenu od nadležnog organa, a kojom izjavom pod punom moralnom, materijalnom i krivičnom odgovornošću ovo lice potvrđuje da se protiv njega ne vodi krivični postupak, kao i da nije osuđivan za kaznena djela i prekršaj, a u suprotnom isti podnosilac prijave nema pravo na poticajna grant sredstva.

Sredstva planirana u Budžetu Kantona Sarajevo za 2021. godinu za poticaj razvoja male privrede se u skladu sa Godišnjim planom, ovom odlukom i Pravilnikom raspoređuju po programima:

1.1. Program: “Obezbjedenje kreditiranja pod povoljnijim uslovima”

Cilj:

Kreditna linija uz subvencioniranu kamatnu stopu ima za cilj da pruži finansijsku podršku subjektima male privrede za obezbjedenje tekuće likvidnosti, produktivnije poslovanje i rast privrednih aktivnosti,

nabavku osnovnih sredstava i investicije (dugoročna finansiranja) i finansiranja za trajna obrtna sredstva. Sredstva iz ove kreditne linije trebaju omogućiti: ekonomsku stabilnost privrednih subjekata, pokretanje nove i održavanje postojeće proizvodnje, veće iskorištenje kapaciteta, održavanje postojećih radnih mjesta i novo zapošljavanje, očuvanje postojećeg broja subjekata male privrede, prevazilaženje negativnih učinaka ekonomske krize uzrokovane pandemijom korona virusa, povećanje izvoza i obezbjeđenje redovnog poslovanja. Izbor korisnika poticajnih kreditnih sredstava i iznos pojedinačnih poticajnih kreditnih sredstava uz saglasnost Ministarstva privrede utvrđuje odabrana banka u skladu sa kreditnim potencijalom odnosnog subjekta male privrede.

Uslovi i kriteriji za izbor banke za plasman kreditnih sredstava uz subvenciju kamate

Po ovom programu uslovi i kriteriji za izbor banke za plasman kreditnih sredstava uz 100% subvenciju kamatne stope su sljedeći: Odnos kreditnih sredstava i sredstava za subvenciju ne može biti manji od 18 mil. KM/1 mil. KM; Visina kamatne stope (iskazana u %), koja ne može biti veća od 2,9%; Visina troškova obrade kredita (iskazana u %); i Greis period (iskazan u mjesecima), koji ne može biti manji od šest mjeseci. Broj izabranih banaka za plasman kreditnih sredstava po ovom programu ne može biti veći od tri. U slučaju da dvije ili više banaka, nakon ocjenjivanja ponuda, ostvare isti broj bodova, prednost u postupku izbora banaka imat će ponuda banke čija je veća visina kapitala na dan 31.12.2020. godine. Planirana struktura poticajnih sredstava u iznosu od 5.000.000,00 KM po ovom programu je sljedeća: prvorangirana banka – 50% ovih sredstava, drugorangirana banka – 30% ovih sredstava i trećerangirana banka – 20% ovih sredstava. U slučaju da se u postupku izbora banaka ne izabere niti jedna banka ili se izabere jedna banka ili se izaberu dvije banke, može se objaviti novi (drugi) javni poziv za izbor banke/banaka za preostala odnosna poticajna sredstva. Smanjenje odnosa kreditnih sredstava/sredstava za subvenciju, nastalo kao posljedica smanjenja iznosa kreditnih sredstava, koji je ugovoren sa odnosnom bankom za plasman kreditnih sredstava može odobriti Vlada Kantona Sarajevo ako za odnosno smanjenje postoji opravdan razlog. U slučaju da Vlada Kantona Sarajevo ne odobri ovo smanjenje, odnosna banka nema pravo aplicirati na naredne javne pozive za izbor banke/banaka za plasman poticajnih kreditnih sredstava u periodu do tri godine počev od dana zaključenja ugovora po javnom pozivu koji se odnosi na ovaj program.

Korisnici programa:

Kreditna linija uz subvencioniranu kamatnu stopu ima za cilj da pruži finansijsku podršku subjektima male privrede za obezbjeđenje tekuće likvidnosti, produktivnije poslovanje i rast privrednih aktivnosti, nabavku osnovnih sredstava i investicije (dugoročna finansiranja) i finansiranja za trajna obrtna sredstva. Pravo na dodjelu poticajnih kreditnih sredstava (uz subvencioniranu kamatnu stopu) i ugovoreni greis period ostvaruju svi subjekti u skladu sa Zakonom o poticaju razvoja male privrede koji prema Obavještenju Službe za statistiku o razvrstavanju djelatnosti prema KD 2010 obavljaju dozvoljene djelatnosti navedene u ovoj odluci i u tački 3. a) opći uvjeti dodjele poticajnih sredstava iz Godišnjeg plana (uz propisano ograničenje za odnosne/pojedine djelatnosti u područjima: G, M i N) Obezbiđenje kreditiranja pod povoljnijim uslovima subjektima male privrede koji imaju sjedište na području Kantona Sarajevo uz subvencioniranje kamatne stope od strane Ministarstva privrede, vrši se putem izabrane banke ili banaka u skladu sa javnim pozivom za odabir banke ili banaka (do tri banke). Nakon zaključenog ugovora Ministarstva privrede sa odabranom bankom/bankama, subjekt male privrede, podnosilac zahtjeva za kredit uz subvenciju kamate ostvaruje pravo na samo jednu dodjelu kreditnih sredstava u bilo kojoj banki odabranoj po ovom javnom pozivu i obavezan je da prilikom predaje zahtjeva za kreditiranje odabranoj banki dostavi Izjavu da isti zahtjev nije predao i u druge odabrane banke po odnosnom javnom pozivu. U slučaju da je podnosilac zahtjeva za kredit uz subvenciju kamate podnio isti ili sličan zahtjev i drugim odabranim bankama, odnosnom subjektu neće biti odobren kreditni zahtjev i nema pravo u periodu do tri godine aplicirati na naredne javne pozive za kreditna sredstva uz subvenciju kamate.

Ukupan iznos sredstava za ovu namjenu: 5.000.000,00 KM.

Banka obezbjeđuje sredstva za kreditnu liniju subjektima male privrede u pojedinačnom iznosu do 1,000,000.00 KM, na rok do šest godina (72 mjeseca) koji ne uključuje greis period. Za provođenje ovog Programa u 2021. godini, odnosno za subvenciju troškova po osnovu kamatne stope u visini do 2,9% planiran je iznos od 5.000.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane banke/banaka. Sredstva za subvenciju kamata obezbjeđena su u Budžetu Kantona Sarajevo za 2021. godinu.

1.2 Program: "Subvencioniranje – refundiranje kamata po preuzetim kreditima"

Cilj:

Program omogućava subjektima male privrede koji su kreditno zaduženi u komercijalnim bankama (po osnovu nabavke trajnih sredstava, opreme i/ili obrtnih sredstava za finansiranja investicija za rast i razvoj subjekata male privrede), a koji imaju zaključene ugovore o kreditu sa komercijalnim bankama koji se odnose i na 2019. i 2020. godinu da ostvare pravo na poticajna finansijska sredstva na ime subvencioniranja (refundiranja) dijela plaćenih troškova kamate. Korisnicima se na ovaj način omogućavaju poticajna finansijska sredstva čija namjena je: obezbjeđenje tekuće likvidnosti, produktivnije poslovanje i rast privrednih aktivnosti, nabavka osnovnih sredstava i investicije (dugoročna finansiranja) i finansiranja za trajna obrtna sredstva, na način koji omogućava stabilizaciju poslovnih subjekata, povećanje obima proizvodnje/ usluga, te obezbjeđenje novih radnih mjesta.

Uslovi i kriteriji za izbor korisnika poticajnih sredstava:

Podnosioci prijava obavezni su dostaviti ovjeren ugovor o kreditu sa komercijalnom bankom iz kojeg je jasno vidljiva namjena odobrenih kreditnih sredstava (ulaganje u stalna sredstva i investicije, ili za obrtna sredstva u svrhu obezbjeđenja tekuće likvidnosti), a po kojem su isti subjekti uredno izvršavali obaveze po kreditu u 2019. i 2020. godini. Neprihvatljivi su ugovori sa komercijalnom bankom iz kojeg je jasno vidljiva namjena o odobrenju kreditnih sredstava za: kupovinu zemljišta, izvođenje vanjskih građevinskih radova, kupovinu i najam osobnih vozila. Također, podnosioci prijave su obavezni dostaviti potvrdu odnosne banke o redovnoj otplati kredita za koji se traži refundiranje troškova sa obaveznim pregledom (broj ugovora/kreditne partije i ukupnim iznosom obračunatih i naplaćenih kamata) za svaku godinu za koju se traži subvencija dijela troškova kamate u komercijalnim bankama.

Korisnici programa:

Pravo na dodjelu poticajnih grant sredstava za subvencioniranje (refundiranje) kamata po preuzetim kreditima ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo; prema Obavještenju Službe za statistiku o razvrstavanju djelatnosti prema KD 2010 obavljaju dozvoljene djelatnosti navedene u ovoj odluci i u tački 3. a) opći uvjeti dodjele poticajnih sredstava iz Godišnjeg plana (uz propisano ograničenje za odnosne/pojedine djelatnosti u područjima: G, M i N); imaju najmanje jednog zaposlenika na neodređeno vrijeme; imaju zaključene ugovore o kreditu sa komercijalnim bankama koji se odnose i na 2019. i 2020. godinu i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM. Subvencionirati (refundirati) će se dio troškova kamate za realizovane kredite koji imaju efektivnu kamatnu stopu (EKS) veću od 3%. Visina subvencioniranog dijela plaćenih troškova kamata za odobrene kredite kod komercijalnih banaka za 2019. i 2020. godini iznosi: 50% plaćene kamate na kredite sa efektivnom kamatnom stopom većom od 3% do 6%; i 60% plaćene kamate na kredite sa efektivnom kamatnom stopom većom od 6%. Prednost prilikom izbora korisnika poticajnih sredstava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će

obezbjediti zaposlenje jedne osobe na period od 12 mjeseci uz uslov da prije zaključenja ugovora dostave odgovarajuću prihvatljivu garanciju).

Ukupan iznos sredstava za ove namjene: 250.000,00 KM.

Za provođenje ovog Programa predviđen je iznos od 250.000,00 KM, a sredstva su obezbijeđena u Budžetu Kantona Sarajevo na poziciji "Podsticaj razvoju male privrede". Minimalan iznos kredita za koji će se subvencionirati dio troškova kamata je 30.000,00 KM, a maksimalan iznos kredita je 1.000.000,00 KM. Ukoliko korisnik realizuje dva ili više kredita imat će pravo na subvencioniranje dijela troškova kamata na zbir kredita koji ne prelazi iznos od 1.000.000,00 KM. Maksimalan iznos poticaja za uplatu odobrene subvencije/refundacije iznosi do 15.000,00 KM prihvatljivih troškova.

1.3 Program: "Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja"

Cilj:

Program omogućava refundiranje/subvencioniranje dijela prihvatljivih troškova, a namjena ostvarene refundacije/subvencije je: obezbjeđenje tekuće likvidnosti, produktivnije poslovanje i rast privrednih aktivnosti, nabavka osnovnih sredstava i investicije (dugoročna finansiranja) i finansiranja za trajna obrtna sredstva, na način koji omogućava stabilizaciju poslovnih subjekata, povećanje obima proizvodnje/ usluga, te obezbjeđenje novih radnih mjesta.

Uslovi i kriteriji za izbor korisnika poticajnih sredstava:

Kriteriji za izbor korisnika poticajnih grant sredstava za ove namjene su: vrsta djelatnosti, broj zaposlenih, povećanje zaposlenosti, orijentiranost izvozu, dostavljanje ugovora i/ili računa uz obavezan fiskalni račun, i drugih dokaza o vrijednosti kupljenih mašina, alata i opreme (osim mobilijara), tehnike (osim laptopa) koja se koristi u vremenu dužem od jedne godine, a koja nije starija od pet godina i koja je nabavljena od registrovanih poslovnih subjekata uz obavezan fiskalni račun, te zaključeni ugovori subjekata male privrede iz 2019. i 2020. godine o uvođenju sistema međunarodnih standarda kvalitete i u vezi sa tim određene konsultantske usluge ili edukacije, za digitalizaciju poslovanja subjekata male privrede koja je produkt registrovanih poslovnih subjekata sa sjedištem u BiH (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.). Podnosioci prijave su obavezni da za sve prihvatljive aktivnosti podnesu adekvatne dokaze: ugovore i/ili račune uz obavezan fiskalni račun i izvode iz banke o plaćenim troškovima, te za uvođenje i certificiranje kvaliteta, i druge standarde EU dostave dokaze o posjedovanju sertifikata izdatog od ovlaštene certifikacijske organizacije u 2019. i 2020. godini; imaju dokaz o obnovljenom standardu u 2019. i 2020. godini; imaju osiguran CE znak u 2019. i 2020. godini ili posjeduju Tehnički fajl – dosije (naslovna strana) sa svim pripadajućim procedurama, uputstvima i zapisima za osiguranje kvalitete proizvoda i podnesu dokaze o izvršenim uslugama. Prednost prilikom izbora korisnika poticajnih sredstvava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će obezbijediti zaposlenje jedne osobe na period od 12 mjeseci uz uslov da prije zaključenja ugovora dostave odgovarajuću prihvatljivu garanciju).

Korisnici programa:

Pravo na poticajna grant sredstava za refundiranje/subvencioniranje dijela plaćenih troškova u 2019. i 2020. godini ostvaruju subjekti male privrede osnovani u skladu sa Zakonom koji: imaju sjedište na prostoru Kantona Sarajevo, prema Obavještenju Službe za statistiku o razvrstavanju djelatnosti prema KD 2010 obavljaju dozvoljene djelatnosti navedene u ovoj odluci i u tački 3. a) opći uvjeti dodjele poticajnih sredstava iz Godišnjeg plana (uz propisano ograničenje za odnosne/pojedine djelatnosti u područjima: G, M i N), imaju najmanje jednog zaposlenika na neodređeno vrijeme i koji su za 2020.

godinu iskazali gubitak do 30.000,00 KM ili su iskazali dobit do 100.000,00 KM. Pravo na dodjelu poticajnih grant sredstava za refundiranje/subvencioniranje dijela troškova nastalih u 2019. i 2020. godini po ovom programu ostvaruju subjekti male privrede sa sjedištem na prostoru Kantona Sarajevo, koji su sredstva koristili za odnosne aktivnosti neophodne za obavljanje registrovane djelatnosti: kupovinu mašina, alata i opreme (osim mobilijara), tehnike (osim laptopa) koja se koristi u vremenu dužem od jedne godine, a koja nije starija od pet godina i koja je nabavljena od registrovanih poslovnih subjekata uz obavezan fiskalni račun. Ovo pravo ostvaruju i poslovni subjekti za digitalizaciju poslovanja subjekata male privrede u 2019. i 2020. godini (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koja je produkt registrovanih poslovnih subjekata sa sjedištem u BiH uz dostavljeni račun i obavezan fiskalni račun. Također, isto pravo na dodjelu poticajnih sredstava za refundiranje/subvencioniranje dijela troškova ostvaruju subjekti male privrede za jačanje konkurentnosti kroz tehnološku modernizaciju i inovaciju poslovnih procesa, uvođenje sistema međunarodnih standarda kvalitete, te u vezi sa tim odgovarajuće konsultantske usluge i edukacije za certificiranje sistema i certificiranje proizvoda (CE oznaka) i troškove stjecanja prava ili obnavljanja upotrebe: ISO, HACCP, HALAL i drugih međunarodnih standarda za 2019. i 2020. godinu.

Ukupan iznos sredstava za ovu namjenu: 400.000,00 KM.

Za provođenje ovog Programa predviđen je iznos od 400.000,00 KM. Sredstva će se dodjeljivati u iznosu do 50% priznatih prihvatljivih troškova za ove namjene, a u maksimalnom iznosu po jednom korisniku do 20.000 KM. Sredstva za subvencioniranje (refundiranje) prihvatljivih troškova po ovom programu uplaćuju se na dostavljeni račun korisnika po osnovu dostavljenih dokaza: ugovora i/ili računa uz obavezan fiskalni račun, kojima se dokazuje namjensko korištenje sredstava i dostavljenog dokaza o plaćanju ugovora i/ili računa, i drugih dokaza.

1.4 Program: "Poticaj za nova ulaganja u tehnološku modernizaciju i primjenu standarda kvalitete"

Cilj:

Korisnicima poticajnih sredstava se na ovaj način u 2021. godini subvencioniraju/refundiraju prihvatljivi troškovi zasnovani/nastali u 2021. godini nakon dana objave javnog poziva po ovom programu do najkasnije 31.12.2021. godine, a za koje je korisnik dostavio dokaze o utrošku sredstava za: modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim laptopa), alata, opreme (osim mobilijara) koja se koristi u vremenu dužem od jedne godine, a čime se omogućava jačanje konkurentnosti i poticaj razvoja postojećih subjekata, ekonomska stabilnost poslovnih subjekata, održavanje postojećih radnih mjesta, novo upošljavanje, očuvanje postojećeg broja subjekata, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje certifikata.

Uslovi i kriteriji za izbor korisnika poticajnih sredstava:

Podnosioci prijave su obavezni da dostave: Obavještenje Službe za statistiku o razvrstavanju djelatnosti prema KD 2010 na osnovu kojeg se utvrđuje da navedenu osnovnu djelatnost obavlja u skladu sa popisom dozvoljenih djelatnosti čime privredni subjekt dokazuje pravo na podnošenje prijave za dodjelu poticajnih grant sredstava, te od strane registrovanih poslovnih subjekata ovjerene predračune/profakture/ponude u vrijednosti od najmanje 3.000,00 KM za nabavku osnovnih sredstava, tehnike i opreme (osim mobilijara i laptopa), mašina i alata za modernizaciju i inovaciju poslovnih procesa (koja se koristi u vremenu dužem od jedne godine) ili za uvođenje sistema međunarodnih standarda kvalitete, troškova certificiranja sistema i certificiranja proizvoda (CE oznaka) i troškova

stjecanja prava ili obnavljanja upotrebe: ISO, HACCP, HALAL i drugih međunarodno priznatih standarda. Kriteriji za izbor korisnika poticajnih grant sredstava za ove namjene su: vrsta djelatnosti, broj zaposlenih, povećanje zaposlenosti, orijentiranost izvozu. Odabrani korisnik subvencije/refundacije za prihvatljive troškove po ovom programu obavezan je da najkasnije do 31.12.2021. godine, a prije uplate sredstava po zaključenom ugovoru sa Ministarstvom privrede, dostavi račune i/ili ugovore uz obavezan fiskalni račun kojim se dokazuje odnosni namjenski trošak, kao i da dostavi dokaze o plaćanju istih ugovora i/ili računa (izvode iz banke), te fotodokumentaciju mašina, postrojenja, opreme (osim mobilijara) koja je nabavljena. Svi ovi i drugi dokazi koje dostavlja korisnik moraju biti zasnovani/nastali u 2021. godini nakon dana objave javnog poziva po ovom programu a najkasnije sa 31.12.2021. godine. Korisnik je obavezan da sva nabavljena osnovna sredstva u vrijednosti do 2.500,00 KM zadrži u svom posjedu najmanje godinu dana, a za ostala osnovna sredstva od 2.501,00 KM i više obavezan je da ista zadrži u svom posjedu najmanje 24 mjeseca. Prednost prilikom izbora korisnika poticajnih sredstava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će obezbijediti zaposlenje jedne osobe na period od 12 mjeseci uz uslov da prije zaključenja ugovora dostave odgovarajuću prihvatljivu garanciju).

Korisnici programa:

Pravo na dodjelu poticajnih sredstava za subvencioniranje/refundiranje dijela prihvatljivih troškova, a koji troškovi su zasnovani/nastali nakon objave ovog javnog poziva do najkasnije 31.12.2021. godine. Ovo pravo ostvaruju subjekti male privrede definisani u skladu sa Zakonom o poticaju razvoja male privrede koji: imaju sjedište na prostoru Kantona Sarajevo; prema Obavještenju Službe za statistiku o razvrstavanju djelatnosti prema KD 2010 obavljaju dozvoljene djelatnosti navedene u tački II a) opći uvjeti dodjele poticajnih sredstava i subvencija iz ovog javnog poziva (uz propisano ograničenje za odnosne/pojedine djelatnosti u područjima: G, M i N); imaju najmanje jednog zaposlenika na neodređeno vrijeme i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM. Ovaj program namijenjen je za jačanje konkurentnosti subjekata male privrede u 2021. godini, odnosno za prihvatljive troškove nabavke osnovnih sredstava, opreme (osim mobilijara), kupovinu mašina, alata i tehnike (osim laptopa) koja nije starija od pet godina i koja je nabavljena od registrovanih poslovnih subjekata uz obavezan fiskalni račun, za modernizaciju i inovaciju poslovnih procesa, za uvođenje sistema međunarodnih standarda kvalitete, troškova certificiranja sistema i proizvoda (CE oznaka) i troškova stjecanja prava ili obnavljanja upotrebe: ISO, HACCP, HALAL i drugih priznatih standarda.

Ukupan iznos sredstava za ovu namjenu: 150.000,00 KM.

Za provođenje ovog Programa predviđen je iznos od 150.000.00 KM. Sredstva za sve dozvoljene prihvatljive aktivnosti po ovom programu će biti uplaćena na dostavljene račune korisnika u iznosu do 50% priznatih prihvatljivih troškova za ove namjene, a maksimalni iznos poticaja za subvenciju/refundaciju prihvatljivih troškova po jednom korisniku je 15.000,00 KM. Odabrani korisnik subvencije/refundacije za prihvatljive troškove po ovom programu obavezan je da prije uplate sredstava po zaključenom ugovoru sa Ministarstvom privrede dostavi račune i/ili ugovore uz obavezan fiskalni račun kojim se dokazuje odnosni namjenski trošak, kao i da dostavi dokaze o plaćanju istih ugovora i/ili računa (izvode iz banke), te fotodokumentaciju mašina, postrojenja, opreme (osim mobilijara) koja je nabavljena. Svi ovi i drugi dokazi koje dostavlja korisnik moraju biti zasnovani/nastali u 2021. godini nakon dana objave javnog poziva po ovom programu a najkasnije do 31.12.2021. godine.

1.5 Program: Poticaj projektima promocije obrtništva

Cilj:

Poticaj za promociju obrtništva je program namijenjen za: razvoj i afirmaciju svih obrta, očuvanje obrtničke tradicije, kulturnog i historijskog nasljeđa tradicionalnih i starih obrtničkih djelatnosti, održavanje edukacija i promocija u cilju jačanja veza između obrazovnog sistema i obrtništva, subvencioniranje troškova obrtnika za učešće na sajmovima i izložbama u cilju jačanja veza između obrazovnog sistema i obrtništva, interesno umrežavanje obrtnika i organizovano zastupanje i predstavljanje interesa obrtnika.

Uslovi i kriteriji za izbor korisnika poticajnih sredstava:

Kriteriji za izbor korisnika poticajnih grant sredstava podrazumijevaju obavezno dostavljanje programa/projekta. Program/projekt mora sadržavati detaljan opis plana realizacije, ključne aktivnosti, predviđene datume realizacije, pregled budžeta projekta i ostale usluge koje treba realizovati iz sredstava poticaja, te na jasan način objasniti o kakvom programu/projektu se radi, a istim se mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti kako je projektom navedeno. Potrebno je da što više ovih budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati na taj način planirane aktivnosti i navesti izvore finansiranja iz sopstvenih i/ili drugih izvora. U sklopu projektnog prijedloga daju se dodatna pojašnjenja budžetskih stavki navedenih u formi pregleda budžeta. Tabelarni prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke.

Korisnici programa:

Pravo na dodjelu poticajnih grant sredstava za odgovarajući program/projekt u skladu sa Javnim pozivom ostvaruju Obrtnička Komora Kantona Sarajevo i udruženja obrtnika koja su uredno registrovana i djeluju na području Kantona Sarajevo.

Ukupan iznos sredstava za ovu namjenu: 50.000,00 KM

Za provođenje ovog Programa predviđen je iznos od 50.000,00 KM, a sredstva su obezbijedena u Budžetu Kantona Sarajevo na poziciji "Podsticaj razvoju male privrede" i biće raspoređena na programe/projekte u skladu sa kriterijima iz Javnog poziva.

1.6 Program: Edukacija mladih za obrtnička-zanatska zanimanja i zapošljavanje

Cilj:

Ovim programom planirano je da se poticajnim sredstvima odobrenim obrtničkim radnjama osigura edukacija/obuka u trajanju od četiri (4) mjeseca za cca 20 mladih osoba, sa prebivalištem na području Kantona Sarajevo, omogućiti usvajanje ključnih vještina i kompetencija za rad u obrtničkim zanimanjima i na taj način osigura zapošljavanje ovih mladih osoba na određeno vrijeme u trajanju od najmanje 12 mjeseci.

Uslovi i kriteriji za izbor korisnika poticajnih sredstava:

Osnovni kriteriji za izbor korisnika poticajnih grant sredstava vrši se na osnovu sljedećih elemenata: obrtnici koji imaju mogućnost pružanja obuke i mentorstva za deficitarna zanimanja i sl. i koji kao osnovnu djelatnost obavljaju zanate – obrte registrovane u skladu sa Zakonom o obrtima i srodnim djelatnostima. Prednost prilikom odabira Korisnika imaju podnosioci zahtjeva koji kao osnovnu djelatnost obavljaju stare i tradicionalne zanate – obrte, a na osnovu osnovne djelatnosti koja je

upisana u Obavještenju o razvrstavanju poslovnog subjekta prema klasifikaciji djelatnosti, dostave Uvjerenje nadležnog općinskog organa da nije utvrđen trajni prestanak obavljanja registrirane obrtničke djelatnosti i koji dostave Rješenje izdato od Porezne uprave o utvrđivanju plaćanja paušalnog poreza na dohodak. Obrtnici moraju posjedovati odgovarajuću stručnu spremu-osposobljenost za obavljanje obrta ili dostaviti dokaz da taj obrt obavljaju najmanje pet godina, te dostave dokaz da postoji tradicija u obavljanju obrta dozvoljenog javnim pozivom, da je sjedište obrta i prebivalište obrtnika u Kantonu Sarajevo (potvrda OKKS).

Korisnici programa:

Pravo na dodjelu poticajnih sredstava za subvencioniranje troškova po ovom Programu ostvaruju obrtničke radnje koje na osnovu objavljenog javnog poziva podnesu prijavu, dostave potvrde o uredno izmirenim zakonskim obavezama i članstvu u Obrtničkoj komori Kantona Sarajevo i koje u roku od četiri mjeseca mogu omogućiti praktično iskustvo i vještine rada za novozaposlenog radnika. Odabrani korisnik sredstava, koji uredno prijavi novozaposlenog radnika, za vrijeme trajanja obuke ima pravo na poticajna sredstva i ima obavezu da novozaposlenog radnika o svom trošku zadrži u radnom odnosu još najmanje osam mjeseci. Prihvatljiva aktivnost je zaposlenje mladih osoba starosti 18 do 35 godina, izvođenje praktičnog programa obuke i vježbi za obavljanje poslova u obrtničkoj radnji u skladu sa registrovanom djelatnošću. Pravo učešća po javnom pozivu ne mogu ostvariti obrtnici koji obavljaju sljedeće djelatnosti: trgovačka, ugostiteljska, proizvodnja duhanskih proizvoda i alkoholnih pića, primarna poljoprivreda, kasina i druge igre na sreću.

Ukupan iznos sredstava za ovu namjenu: 190.000,00 KM

Ukupna poticajna sredstva za ovaj program se raspoređuju na sljedeći način:

- a) Korisnik koji stare i tradicionalne zanate – obrte obavlja kao osnovnu djelatnost i po tom osnovu plaća porez na dohodak u paušalnom iznosu (paušalci) za vrijeme trajanja obuke (četiri mjeseca) po jednom zaposlenom ostvaruje pravo na iznos mjesečne bruto subvencije od 900,00 KM. Ovaj iznos obuhvata isplatu minimalne mjesečne neto plaće za prvu godinu rada u iznosu do 500,00 KM za polaznika i dio troškova svih zakonom propisanih poreza i doprinosa na neto platu, kao i drugih naknada za novozaposlenog radnika.
- b) Korisnik koji stare i tradicionalne zanate – obrte ili drugi obrt obavlja kao osnovnu djelatnost a registrovan je u skladu sa Zakonom o obrtu i srodnim djelatnostima („Službene novine Federacije BiH“, broj 35/09 i 42/11), te po tom osnovu plaća porez na dohodak u skladu sa zakonom propisanim iznosom, za vrijeme trajanja obuke (četiri mjeseca) po jednom zaposlenom ostvaruje pravo na iznos mjesečne bruto subvencije od 1.000,00 KM. Ovaj iznos obuhvata isplatu minimalne neto mjesečne plaće za prvu godinu rada u iznosu do 600,00 KM za polaznika interne obuke i dio troškova svih zakonom propisanih poreza i doprinosa na neto plaću i drugih naknada za novozaposlenog radnika.
- c) Mentor je zaposlenik ili vlasnik obrta koji je nadležan za prenošenje stručnih znanja i vještina i nadgledanje rada polaznika stručnog osposobljavanja ili osposobljavanja na radnom mjestu. Mentor treba imati odgovarajuće zanimanje, nivo obrazovanja ili radno iskustvo (najmanje pet godina radnog iskustva na poslovima za koje mentorira ukoliko ne ispunjava uvjet stručne spreme) na poslovima koje će obavljati polaznik stručnog osposobljavanja. Mjesečna bruto naknada mentoru po novozaposlenoj osobi iznosi 200,00 KM, a istom pripada naknada za svih 12 mjeseci.

Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove mjenice padaju na teret korisnika sredstava.

1.7 Program: Poticaj za unaprjeđenje IT preduzetništva u svrhu zapošljavanja

Cilj:

Ovim Programom daje se podrška poboljšanju kvaliteta znanja, prilagođavanja radu u IT kompanijama i upotrebi savremene informacijske i komunikacijske tehnologije sa krajnjim ciljem da se u IT kompanijama nakon provedenog dostavljenog projekta (interni program edukacije i obuke) izvrši zapošljavanje osoba koje su uspješno završile edukaciju/obuku i koje se bave djelatnostima baziranim na znanju i savremenim informacionim tehnologijama.

Uslovi i kriteriji za izbor korisnika poticajnih sredstava:

Podnosilac ponude mora biti registrovan za pružanje usluga u oblasti informaciono-komunikacionih tehnologija (prema rješenju Službe za statistiku obavljaju djelatnost u Području J – Informacije i komunikacije sa šiframa 62.01-62.09), dostaviti potvrdu Porezne uprave o broju i imenima zaposlenih, te dostaviti vlastitu Izjavu o kvalifikacionoj strukturi zaposlenih kao i projekat (interni program obuke) prilagođen svojoj kompaniji i krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u predmetnoj IT kompaniji ili sa lokalnim/globalnim tržištem ili za dalji razvoj vlastitog biznisa - start up preduzeća. Podnosilac ponude mora dostaviti dokument o organizovanosti, broju i kvalifikacionoj strukturi uposlenih i angažovanih lica u provedbi projekta kao detaljan interni program/projekt obuke. Program/projekt mora sadržavati detaljan opis plana realizacije, ključne aktivnosti, predviđene datume realizacije, pregled budžeta projekta i ostale usluge koje treba realizovati iz sredstava poticaja, te na jasan način objasniti o kakvom programu/projektu se radi, a istim se mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti kako je projektom navedeno. Potrebno je da što više ovih budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati na taj način planirane aktivnosti i navesti izvore finansiranja iz sopstvenih i/ili drugih izvora. U sklopu projektnog prijedloga daju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke. Obuke moraju biti organizovane iz oblasti korištenja IT tehnologija, što podrazumijeva obuku s ciljem da mladi ljudi steknu vještine rada, koje će kasnije koristiti u radu u predmetnoj IT kompaniji ili sa lokalnim/globalnim tržištem ili za otvaranje vlastitog biznisa-startup preduzeća.

Korisnici programa:

Pravo na dodjelu poticajnih grant sredstava za subvencioniranje troškova po ovom Programu ostvaruju privredni subjekti koji posluju u IT sektoru, koji imaju sjedište na teritoriji Kantona Sarajevo i registrovani su za pružanje usluga u oblasti informaciono-komunikacionih tehnologija (prema rješenju Službe za statistiku obavljaju djelatnost u Području J – Informacije i komunikacije sa šiframa 62.01-62.09), imaju najmanje deset zaposlenih i koji će nakon dana objave javnog poziva po ovom programu u 2021. godini realizovati interni program/projekt obuke i osposobljavanja za grupe polaznika (5 do 20 osoba) kojim se omogućava poboljšanje kvaliteta znanja i upotrebe savremene informacijske i komunikacijske tehnologije polaznika obuke, sa krajnjim ciljem da se u IT kompanijama koje provedu program interne obuke ili drugim IT kompanijama izvrši zapošljavanje određenog broja mladih i/ili drugih nezaposlenih osoba, a koje su u skladu sa zahtjevima IT kompanija ispunili preduvjete za pohađanje i uspješno završili predmetne obuke.

Ukupan iznos sredstava za ovu namjenu: 500.000,00 KM.

Za provođenje ovog Programa predviđen je ukupan iznos od 500.000,00 KM, pri čemu maksimalni iznos subvencioniranih sredstava za provođenje obuke u jednoj IT kompaniji ne može biti veći od 70.000,00 KM (slovima: sedamdesethiljada konvertibilnih maraka) uz obavezno zapošljavanje sedam radnika, a radno mjesto se vrednuje sa iznosom poticaja do 10.000,00 KM po zaposlenom radniku. Korisnik sredstava po ovom programu obavezan je, u skladu sa zaključenim ugovorom o dodjeli poticajnih sredstava, dostaviti bankovnu garanciju u visini iznosa ugovorenih /odobrenih sredstava uvećan za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava, odnosno trošak obezbjeđenja garancije je prihvatljivi trošak korisnika sredstava u dijelu njegovog sufinansiranja dostavljenog projekta po ovom programu. Korisnik poticajnih grant sredstava koji po ovom osnovu ostvari poticaj/subvenciju dužan je uz redovni Izvještaj dostaviti i potvrdu Porezne uprave o novozaposlenom/im radnicima.

1.8 Program: Poticaj za unaprjeđenje preduzetništva u domenu pružanja administrativnih usluga dominantno izvozne orijentacije

Cilj:

Ovim Programom daje se podrška unaprjeđenju, razvijanju i jačanju preduzetništva u domenu izvozne orijentisanih administrativnih usluga u kojima Kanton Sarajevo bilježi značajne komparativne prednosti i u kojima je u posljednjih nekoliko godina kreiran veliki broj novih radnih mjesta. Poticaj za unaprjeđenje ove vrste preduzetništva je program koji je u 2021. godini namijenjen izvožno orijentisanim subjektima koji u skladu sa dostavljenim projektom (interni program obuke) za grupe polaznika (3 do 20 osoba) izvrše pružanje usluga provođenja programa interne obuke i osposobljavanja, odnosno prilagođavanja radu u domenu izvozne orijentisanih predmetnih administrativnih usluga. Namjena odobrenih sredstava je da izvožno orijentisani subjekt nakon provedenog programa interne obuke i osposobljavanja kreira platformu za zapošljavanje polaznika obuke u skladu sa odobrenim poticajnim sredstvima.

Uslovi i kriteriji za izbor korisnika poticajnih sredstava:

Podnosilac ponude mora biti registrovan za obavljanje djelatnosti u oblastima M i N (prema rješenju Službe za statistiku obavljaju djelatnost u oblastima M i N navedenim u ovoj odluci i tački 3. a) opći uslovi za dodjelu poticajnih sredstava iz Godišnjeg plana, osim djelatnosti čije su šifre: (69.10-69.20), 75.00 i (79.11-79.90)), dostaviti potvrdu Porezne uprave o broju i imenima zaposlenih, te dostaviti vlastitu Izjavu o kvalifikacionoj strukturi zaposlenih kao i projekat (interni program obuke) prilagođen svojoj kompaniji i krajnjem cilju zapošljavanja polaznika koji uspješno završe obuku. Obuke moraju biti organizovane iz oblasti djelatnosti na koju se odnosi ovaj program, što podrazumijeva obuku s ciljem da potencijalni novi zaposlenici steknu vještine rada, koje će kasnije koristiti u radu u odnosnom subjektu. Ostali kriteriji se definišu javnim pozivom. Podnosilac ponude mora dostaviti dokument o organizovanosti, broju i kvalifikacionoj strukturi uposlenih i angažovanih lica u provedbi projekta kao detaljan interni program/projekt obuke. Program/projekt mora sadržavati detaljan opis plana realizacije, ključne aktivnosti, predviđene datume realizacije, pregled budžeta projekta i ostale usluge koje treba realizovati iz sredstava poticaja, te na jasan način objasniti o kakvom programu/projektu se radi, a istim se mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti kako je projektom navedeno. Potrebno je da što više ovih budžetskih stavki bude zasnovano na tačno utvrđenim troškovima, a ne na približnim procjenama. Također, ukoliko je predviđeno sufinansiranje projekta, potrebno je specificirati na taj način planirane aktivnosti i navesti izvore finansiranja iz

sopstvenih i/ili drugih izvora. U sklopu projektnog prijedloga daju se dodatna pojašnjenja budžetskih stavki navedenih u formi pregleda budžeta. Tabelarni prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke.

Korisnici programa:

Pravo na dodjelu poticajnih grant sredstava za subvencioniranje troškova po ovom programu ostvaruju subjekti male privrede u skladu sa Zakonom iz domena izvozno orijentisanih usluga i koji imaju sjedište na teritoriji Kantona Sarajevo, a koji ispunjavaju sljedeće uslove: obavljaju dozvoljene djelatnost u oblastima M i N navedenim u ovoj odluci i tački 3. a) opći uslovi za dodjelu poticajnih sredstava iz Godišnjeg plana, osim djelatnosti čije su šifre: (69.10-69.20), 75.00 i (79.11-79.90), uz uslov da su ovi subjekti u 2020. godini ostvarili više od 50% prihoda na stranim tržištima, da imaju najmanje 10 uposlenih i da će nakon dana objave javnog poziva po ovom programu u 2021. godini realizovati/okončati interni program/projekt obuke i osposobljavanja za obavljanje poslova u registrovanoj djelatnosti. Programom/projektom se omogućava poboljšanje kvaliteta znanja i vještina potencijalnih novih zaposlenika sa krajnjim ciljem da se u izvozno orijentisanim kompanijama koje provedu program obuke izvrši zapošljavanje određenog broja mladih ili drugih nezaposlenih osoba koje su u skladu sa zahtjevima subjekata ispunili preduslove za pohađanje i uspješno završili predmetne obuke. Pravo ostvaruju subjekti koji realizacijom dostavljenog programa/projekta imaju obavezu uposliti nove radnike na period od minimalno godinu dana.

Ukupan iznos sredstava za ovu namjenu: 140.000,00 KM.

Za provođenje ovog Programa predviđen je ukupan iznos od 140.000,00 KM, pri čemu maksimalni iznos subvencioniranih sredstava za provođenje obuke u jednom subjektu ne može biti veći od 35.000,00 KM (slovima: tridesetpethiljada KM) uz obavezno zapošljavanje pet radnika, a radno mjesto se vrednuje sa iznosom poticaja do 7.000,00 KM po zaposlenom radniku. Korisnik sredstava po ovom programu obavezan je, u skladu sa zaključenim ugovorom o dodjeli poticajnih sredstava, dostaviti bankovnu garanciju u visini iznosa ugovorenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava, odnosno trošak obezbjeđenja garancije je prihvatljivi trošak korisnika sredstava u dijelu njegovog sufinansiranja dostavljenog projekta po ovom programu. Korisnik poticajnih grant sredstava koji po ovom osnovu ostvari poticaj/subvenciju dužan je dostaviti i potvrdu Porezne uprave o novouposlenom/im radnicima.

1.9 Program: Poticaj start up subjektima male privrede

Cilj:

Ovaj Programom ima za cilj da se poticajnim sredstvima koja se dodjeljuju start up subjektima male privrede, koji su prvi put registrovani u periodu od 01.01.2018. godine do 31.12.2020. godine, za subvencioniranje (refundiranje) prihvatljivih troškova nastalih u fazi pokretanja i održavanja privredne aktivnosti. Poslovnim subjektima kojima se odobre poticajna sredstva iz ovog programa omogućava se ekonomska održivost i stabilnost poslovanja, prevazilaženje negativnih učinaka ekonomske krize, pokretanje nove i/ili održavanje postojeće djelatnosti, održavanje postojećih radnih mjesta, novo upošljavanje i obezbjeđenje redovnog tekućeg poslovanja.

Uslovi i kriteriji za izbor korisnika poticajnih sredstava:

Izbor korisnika poticajnih sredstava vrši se na osnovu: dostavljenih prihvatljivih ugovora i/ili računa uz obavezno dostavljanje fiskalnih računa o svim prihvatljivim troškovima i dostavljenih dokaza o plaćanju (izvod iz banke) prihvatljivih troškova i to: nabavka mašina, alata i opreme (osim mobilijara) i tehnike (osim laptopa), a koja nije starija od pet godina i koja je nabavljena od registrovanih poslovnih subjekata, izvedenim unutrašnjim radovima i utrošenim sredstvima za koja se traži

subvencija (refundiranje) dijela troškova uz obavezan fiskalni račun, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova uz obavezan fiskalni račun i dostavljeni dokaz o plaćanju (izvod iz banke) za svaki namjenski trošak po osnovu kojeg je podnesena prijava, te po mogućnosti fotodokumentaciju mašina, postrojenja, opreme koja je nabavljena ili prostora koji je uređen. Prednost prilikom izbora korisnika poticajnih sredstvava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će obezbijediti zaposlenje jedne osobe na period od 12 mjeseci uz uslov da prije zaključenja ugovora dostave odgovarajuću prihvatljivu garanciju.

Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta osobnih vozila, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, usluga i radova koje isporučuju ili obavljaju partnerski i subjekti povezani s podnositeljem prijave. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, potvrda o izvršenom plaćanju, carinske deklaracije, kompenzacija i cesija ne prihvaćaju se kao dokaz o izvršenom plaćanju.

Korisnici programa:

Pravo na subvencioniranje (refundiranje) troškova ostvaruju start up subjekti male privrede osnovani u skladu sa Zakonom od 01.01.2018. godine do 31.12.2020. godine, sa sjedištem na području Kantona Sarajevo koji obavljaju dozvoljenu djelatnost navedenu u ovoj odluci i tački 3. a) opći uslovi za dodjelu poticajnih sredstava Godišnjeg plana (uz propisano ograničenje za odnosne/pojedine djelatnosti u područjima: G, M i N) i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM. Pravo na poticajna sredstva za subvencioniranje (refundiranje) dijela plaćenih troškova u 2018., 2019. i 2020. godini ostvaruju subjekti male privrede za sljedeće aktivnosti: nabavku mašina, postrojenja, alata i opreme (osim mobilijara), tehnike (osim laptopa) koja se koristi u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima; ulaganje u razvoj i nabavku novih tehnologija; ulaganje u povećanje postojećih proizvodnih kapaciteta i usluga, troškove zakupa poslovnog prostora i za troškove registracije i pokretanja poslovnog subjekta. Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili drugu finansijsku pomoć.

Ukupan iznos sredstava za ovu namjenu: 260.000,00 KM

Za provođenje ovog Programa planiran je ukupan iznos od 260.000,00 KM. Sredstva za subvencioniranje/refundiranje dijela prihvatljivih troškova u visini do 50% troškova za navedene prihvatljive aktivnosti uplaćuju se na račun korisnika po osnovu dostavljenih računa kojima se dokazuje prihvatljivo korištenje sredstava i dostavljenog dokaza o plaćanju računa (izvod iz banke). Minimalni iznos prihvatljivih troškova je 5.000,00 KM, a maksimalan iznos poticaja može iznositi najviše do 15.000,00 KM. Sredstva za provođenje ovog Programa dodjeljuju se isključivo za troškove nastale od 01.01.2018. godine do 31.12.2020. godine.

1.10 Program: Poticaj razvoja ženskog preduzetništva

Cilj:

Ovim Programom obezbjeđuju se poticajna sredstva poslovnim subjektima koji su u većinskom (minimalno 51%) privatnom vlasništvu žena državljanke Bosne i Hercegovine za subvencioniranje (refundiranje) prihvatljivih troškova u periodu od 01.01.2019. godine do 31.12.2020. godine sa ciljem da se poslovnim subjektima kojima se odobre poticajna sredstva iz ovog programa omogući ekonomska održivost i stabilnost poslovanja, prevazilaženje negativnih učinaka ekonomske krize, pokretanje nove i/ili održavanje postojeće djelatnosti, održavanje postojećih radnih mjesta, novo upošljavanje i obezbjeđenje redovnog tekućeg poslovanja.

Uslovi i kriteriji za izbor korisnika poticajnih sredstava:

Izbor korisnika poticajnih sredstava vrši se na osnovu: dostavljenih prihvatljivih ugovora i/ili računa uz obavezno dostavljanje fiskalnih računa o svim prihvatljivim troškovima i dostavljenih dokaza o plaćanju (izvod iz banke) prihvatljivih troškova i to: nabavka mašina, alata i opreme (osim mobilijara) i tehnike (osim laptopa), a koja nije starija od pet godina i koja je nabavljena od registrovanih poslovnih subjekata, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova uz obavezan fiskalni račun, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova uz obavezan fiskalni račun i dostavljeni dokaz o plaćanju (izvod iz banke) za svaki namjenski trošak po osnovu kojeg je podnesena prijava, te po mogućnosti fotodokumentaciju mašina, postrojenja, opreme koja je nabavljena ili prostora koji je uređen. Prednost prilikom izbora korisnika poticajnih sredstava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će obezbijediti zaposlenje jedne osobe na period od 12 mjeseci uz uslov da prije zaključenja ugovora dostave odgovarajuću prihvatljivu garanciju. **Neprihvatljivi troškovi su:** kupovina zemljišta, stana/kuće, vanjski građevinski radovi i nabavka, kupovina i najam svih vrsta osobnih vozila, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, usluga i radova koje isporučuju ili obavljaju partnerski i subjekti povezani s podnosiocem prijave. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, potvrda o izvršenom plaćanju, carinske deklaracije, kompenzacija i cesija ne prihvaćaju se kao dokaz o izvršenom plaćanju.

Korisnici programa:

Pravo na dodjelu poticajnih sredstava za subvencioniranje dijela troškova nastalih u 2019. i 2020. godini ostvaruju pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, sa sjedištem na području Kantona Sarajevo i koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje 2 (dva) radnika uključujući i vlasnicu, a koji na tržištu djeluju najmanje godinu dana i koji su usmjereni na proizvodnju i plasman vlastitih, izvornih proizvoda i usluga. Pravo ostvaruju subjekti male privrede koji obavljaju dozvoljenu djelatnost navedenu u ovoj odluci i tački 3. a) opći uslovi za dodjelu poticajnih sredstava Godišnjeg plana (uz propisano ograničenje za odnosne/pojedine djelatnosti u područjima: G, M i N) i koji su za 2020. godinu iskazali gubitak do 30.000,00 KM ili su iskazali dobit do 100.000,00 KM, a koji pravo na poticajna sredstva za subvencioniranje (refundiranje) dijela plaćenih troškova u 2019. i 2020. godini ostvaruju za sljedeće aktivnosti: nabavku mašina, postrojenja, alata i opreme (osim mobilijara), tehnike (osim laptopa) koja se koristi u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga, troškove zakupa poslovnog prostora, te dokažu da su sredstva koristili za te namjene. Pravo ne mogu ostvariti privredni subjekti koji su za bilo koju namjenu u podnesenoj prijavi ostvarili subvenciju, donaciju ili drugi vid finansijske pomoći.

Ukupan iznos sredstava za ovu namjenu: 250.000,00 KM

Za provođenje odnosnog ovog Programa planirani iznos sredstava je ukupno 250.000,00 KM. Sredstva za subvencioniranje/refundiranje dijela prihvatljivih troškova u visini do 50% troškova uplaćuju se na račune korisnika po osnovu dostavljenih računa kojima se dokazuje prihvatljivo korištenje sredstava i dostavljenog dokaza o plaćanju istih računa (izvod iz banke). Minimalni iznos prihvatljivih troškova je 5.000,00 KM, a maksimalan iznos poticaja najviše do 15.000,00 KM. Sredstva se dodjeljuju po osnovu prihvatljivih troškova od 01.01.2019. godine do 31.12.2020. godine.

1.11 Program: Podrška mladima za pokretanje start up poslovnih subjekata

Cilj:

Probuditi preduzetnički duh među mladim ljudima, motivisati kreativne mlade pojedince s inovativnim i provedivim poslovnim idejama za pokretanje vlastitog biznisa i jačanje preduzetničke kompetencije mladih osoba u Kantonu Sarajevo. Programom se za cca. 70 mladih nezaposlenih osoba pruža podrška i finansijski poticaj za pokretanje vlastitog start up poslovnog subjekta u skladu sa prihvaćenim biznis planom koji je usklađenim sa ekonomskim standardima i smanjenje nezaposlenosti ove kategorije stanovništva.

Uslovi i kriteriji za izbor korisnika poticajnih sredstava:

Mlade osobe (podnosioci prijave) u I fazi moraju ispunjavati sljedeće osnovne (eliminatorne) kriterije kako bi njihove prijave bile uzete u daljnje razmatranje: da imaju prebivalište na području Kantona Sarajevo; da imaju kvalitetnu poslovnu ideju i želju da se bave vlastitim biznisom; da su punoljetni i da nisu stariji od 35 godina u momentu dostavljanja prijave; da do dana podnošenja prijave nisu koristili poticajna sredstva koja potiču iz drugih izvora, da su spremni osigurati vlastito sufinansiranje od minimalno 10% od ukupne vrijednosti odobrenih poticajnih grant sredstava iz ovog Programa; da imaju izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nisu predvidjeli korištenje poticajnih grant sredstava iz budžeta za neprihvatljive troškove i da su spremni registrovati vlastiti poslovni subjekt u slučaju da budu odabrani kao korisnici predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nisu koristili poticajna sredstva koja potiču iz drugih izvora.

Korisnici programa:

Pravo na korištenje bespovratnih sredstava imaju nezaposlena punoljetna fizička lica koja pripadaju kategoriji mladih ljudi u skladu sa čl. 4. i. 42. Zakona o mladima (18-35 godina u trenutku objavljivanja javnog poziva), a koja imaju kvalitetnu poslovnu ideju za samozapošljavanje i samostalni početak biznisa razrađenu kroz biznis plan urađen prema ekonomskim standardima. Djelatnosti za koje se mogu dodijeliti poticaji po ovom programu su dozvoljene djelatnosti navedene u ovoj odluci i tački 3. a) opći uslovi za dodjelu poticajnih sredstava Godišnjeg plana, izuzev navedenih djelatnosti u područjima: G, M i N za koje djelatnosti je propisano ograničenje u pogledu ostvarenog prihoda na stranim tržištima.

Ukupan iznos sredstava za ovu namjenu: 1.300.000,00 KM.

Za provođenje aktivnosti po Programu: "Podrška mladima za pokretanje start up poslovnih subjekata na području KS" predviđeno je 1.300.000,00 KM budžetskih sredstava. Ovim programom predviđena su poticajna sredstva po odabranom korisniku (iznos sredstava se utvrđuje u ovisnosti od dostavljene prijave i ocjene prihvaćenog biznis plana), dodjeljuju se u maksimalnom iznosu do 18.600,00 KM. Grant podrška po jednom odabranom korisniku predviđena je u maksimalnom iznosu do 15.000,00 KM, a iznos od 3.600,00 KM predviđen je za finansiranje isplate minimalne mjesečne neto plaće za prvih 6 (šest) mjeseci rada i dio troškova svih zakonom propisanih poreza i doprinosa na neto plaću, te ostalih naknada za zaposlenog radnika u ukupnom iznosu od 600,00 KM za svakog odabranog korisnika. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava. U slučaju da Ministarstvo privrede ocijeni prihvatljivim da se iz drugih izvora uključe dodatna sredstva sa određenom namjenom u provođenju ovog programa, ta dodatna sredstva će biti

korištena u svrhu provođenja obuke i mentoringa za jačanje poduzetničkih kompetencija, a sve s ciljem što kvalitetnije implementacije ovog programa.

U cilju realizacije Godišnjeg plana, na osnovu člana 2. stav (5) Pravilnika o postupcima u provođenju Programa razvoja male privrede ("Službene novine Kantona Sarajevo", broj: 20/21) i Odluke o usvajanju Godišnjeg plan provođenja Programa razvoja male privrede za 2021. godinu ("Službene novine Kantona Sarajevo", broj: 24/21), Ministarstvo privrede Kantona Sarajevo donosi Odluku o usvajanju Programa utroška sredstava "Poticaj razvoju male privrede". Javni poziv za izbor korisnika poticajnih grant sredstava i javni poziv za izbor banke ili banaka za plasman poticajnih kreditnih sredstava objavljuje Ministarstvo. Javni pozivi objavljuju se na web stranici Ministarstva, a odnosna obavještenja o ovim javnim pozivima objavljuju se u "Službenim novinama Kantona Sarajevo" i u dnevnom listu čiji je izdavač - pravno lice sa sjedištem u Kantonu Sarajevo. Izbor krajnjih korisnika poticajnih kreditnih sredstava obavlja se u skladu sa javnim pozivom koji objavljuje Banka. Podnosilac prijave, subjekt, može ostvariti pravo na poticaj po samo jednom pojedinačnom programu iz Programa utroška sredstava "Poticaj razvoju male privrede" za 2021. godinu, a može podnijeti najviše dvije prijave, tj. po jednu prijavu za dva pojedinačna programa. U slučaju da subjekt podnosi dvije prijave po dva pojedinačna programa iz Programa utroška sredstava "Poticaj razvoju male privrede" za 2021. godinu, obavezan je u prijavama navesti koja prijava je prioritetna. Ukoliko su obje prijave formalno-pravno ispravne, Ministarstvo će razmotriti i odobriti poticaj za samo jednu prijavu prema označenom prioritetu ili redoslijedu zaprimanja prijava na protokolu ukoliko u istim nije navedeno koja je prijava prioritetna. Opću dokumentaciju koja se traži Javnim pozivom, subjekt može dostaviti uz samo jednu prijavu, pri čemu je obavezan u prijavi navesti uz koju prijavu je dostavio Opću dokumentaciju.

U slučaju da se u postupku izbora korisnika poticajnih sredstava po pojedinačnom programu iz ovog Programa utvrdi da se po određenom pojedinačnom programu ne može odobriti dio planiranih sredstava za taj program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna, shodno zaprimljenim urednim prijavama. Prednost prilikom izbora korisnika poticajnih sredstava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će obezbijediti zaposlenje jedne osobe na period od 12 mjeseci uz uslov da prije zaključenja ugovora dostave odgovarajuću prihvatljivu garanciju.

Program utroška sredstava "Poticaj razvoju male privrede za 2021. godinu" u iznosu 8.490.000 KM usklađen je sa Zakonom o poticaju razvoja male privrede, Pravilnikom o postupcima u provođenju Programa razvoja male privrede, Zakonom o izvršenju Budžeta Kantona Sarajevo za 2021. godinu („Službene novine Kantona Sarajevo“, br. 5/21), Odlukom o usvajanju Godišnjeg plana provođenja programa razvoja male privrede za 2021. godinu ("Službene novine Kantona Sarajevo", broj: 24/21) i Odlukom o usvajanju programa utroška sredstava tekućih i kapitalnih transfera Ministarstva privrede Kantona Sarajevo utvrđenih Budžetom Kantona Sarajevo za 2021. godinu ("Službene novine Kantona Sarajevo", broj: 8/21).

